



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za potpisivanje Sporazuma o
sufinansiranju i realizaciji Projekta sanacije dječjeg igrališta u sklopu mjesne zajednice
Medrese, općina Stari Grad
(Prijedlog)

Predlagač: Gradonačelnica
Obrađivač: Služba za urbano planiranje,
investicijske, stambene i komunalne
poslove Grada Sarajeva

Sarajevo, novembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

Odluku

o davanju saglasnosti gradonačelnici Grada Sarajeva za potpisivanje Sporazuma o sufinansiranju i realizaciji Projekta sanacije dječjeg igrališta u sklopu mjesne zajednice Medrese, općina Stari Grad

Član 1.

(Predmet odluke)

Gradsko vijeće Grada Sarajeva daje saglasnost gradonačelnici Grada Sarajeva za realizaciju Projekta sanacije dječjeg igrališta u sklopu mjesne zajednice Medrese, općina Stari Grad, na parceli 1044/2 novog premjera što odgovara starom predmjeru parcelama k.č. 338, dio 200, dio 202, dio 203, mahala LXXXII k.o. Sarajevo (u daljnjem tekstu: Projekat).

Član 2.

(Finansijska sredstva)

Sredstva za sufinansiranje Projekta Grad Sarajevo obezbijedit će u Budžetu Grada Sarajeva za 2023. godinu u iznosu od 115.000,000 KM (stotinupetnaesthiljada), na poziciji 615 100 – Projekti obnove predškolskih i školskih objekata i infrastrukture.

Član 3.

(Ovlaštenje)

Gradsko vijeće Grada Sarajeva daje ovlaštenje gradonačelnici Grada Sarajeva za potpisivanje Sporazuma o reguliranju međusobnih prava i obaveza na realizaciji Projekta iz člana 1. ove odluke, a koji će Grad Sarajevo zaključiti sa Općinom Stari Grad. Sporazumom će se definirati finansijsko učešće Općine Stari Grad i ostale obaveze sporazumnih strana na realizaciji Projekta.

Član 4.

(Stupanje na snagu)

Ova odluka stupa na snagu naredni dan od dana objave u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:

Sarajevo: __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje

RAZLOZI DONOŠENJA

Grad Sarajevo je opredijeljen da dječja igrališta, javne parkove i zelene površine dovede u adekvatan red i dobro stanje, a sve u granicama svojih nadležnosti uz saradnju sa ostalim institucijama i nadležnim pravnim licima.

U saradnji sa Općinom Stari Grad, Grad Sarajevo će sanirati dječje igralište u sklopu mjesne zajednice Medrese, općina Stari Grad, na parceli 1044/2 novog predmjera, a što odgovara starom premjeru parcelama k.č. 338, dio 200, dio 202, dio 203, mahala LXXXII k.o. Sarajevo.

Predviđeno je da sva oprema koja se planira za ugradnju na igralištima mora ispunjavati sve važeće EU standarde i zakone za navedenu oblast.

Grad Sarajevo će obezbjediti potrebna finansijska sredstava u Budžetu Grada Sarajeva za 2023. godinu na poziciji 615 100 – Projekti obnove predškolskih i školskih objekata i infrastrukture u iznosu 115.000,000 KM (stotinupetnaestiljada).

Predlaže se Gradskom vijeću Grada Sarajeva da ovlasti gradonačelnicu Grada Sarajeva za potpisivanje Sporazuma o reguliranju međusobnih prava i obaveza na realizaciji Projekta iz člana 1. ove odluke, a koji će Grad Sarajevo zaključiti sa Općinom Stari Grad.

Sporazumom će se definirati finansijsko učešće Općine Stari Grad i ostale obaveze sporazumnih strana na realizaciji Projekta.

FINANSIJSKA SREDSTVA

Finansijska sredstva za realizaciju ove odluke planiraju se u Budžetu Grada Sarajevo 2023. godinu na poziciji 615 100 – Projekti obnove predškolskih i školskih objekata i infrastrukture.